

# ԱՐՅԱԽԵԱՆ ՕՐԱԳԻՐ

Չի անցնում օր Արցախում առանց ուժեղացումների, առաջակային յարձակումների, առեւանգումների: Վերջին լարուած օրերի ընթացքում տեղի են ունեցել հետեւեալ միջադէպերը:

**22 Ապրիլի.**-Առաւօտեան երեք գրահամեմեմաների կողմից գնդակոծուել է Մարտունաշէն գիւղը: Զրահամեմեմաները այնուհետեւ շարժուել են Գետաշէնի կողմը: Ընդառաջ գնացած գիւղի ղեկավարութիւնը բանակցութիւնների մէջ է մտել զինուորականների հետ:

Նոյն օրը հրապարակուել է հետեւեալ նամակը:

## ԳԵՏԱՇԷՆԻ ԵՒ ՄԱՐՏՈՒՆԱՇԷՆԻ ԲԱՅ ՆԱՄԱԿԸ

Պրեզիդենտ Գորբաչովին,  
Պաշտպանութեան Նախարար Եագովին

Սովետական բանակի մէկ մտտոհրածգային գումարտակ փոխգնդապետի եւ մէկ մայորի ղեկավարութեամբ, որը տեղակայուած էր Գետաշայում, այժմ Ղուշչի Արմաիր գիւղում, Ապրիլի 21ին տանկից հրանօթային կրակ է բացել (մարտական գլխիկներով) Գետաշէն գիւղի վրայ, արկերի պայթիւնից կան փուլուումներ: Գետաշէն գիւղի ներքին թաղի կենտրոնում ոչնչացուել է ակումբի շէնքը, օրերով երկու գիւղերի վրայ զինուորական ուղղաթիւներով իրականացուած են օդային ահաբեկիչ, խուզող թռիչքներ, ընդհուպ 10 մետր բարձրութեամբ: Ապրիլի 21ի երեկոյեան եւ ամբողջ գիշեր, սովետական բանակի «պանծալի» զինուորները յաղթարշաւ են կատարել, աւտոմատային կրակահերթերով ահաբեկելով Մարտունաշէն գիւղի ազգաբնակչութեանը: Ապրիլի 22ի առաւօտեան բանակային տեխնիկան շարժուել է դէպի Գետաշէն գիւղը, առանց տեղեակ պահելու տեղական զինուորական խորհրդին, նպատակ ունենալով անջատել վերը նշուած գիւղերը իրարից (կրկնուած է Ագատ, Կամօ գիւղերի պատմութիւնը), բայց պատահականութեամբ ծախողուցին սովետական բանակի կողմից մշակուած պլանները: Տանկը, սահելով լանջից, շուտ է եկել: Վերը նշուածից ելնելով, բանակային սպաները ինքնագոյուի չեն գործում: Նրանք յայտարարեցին, որ կատարում են հրաման: Հրաման վերին դռնից. էլնելով անցեալի փորձից շարունակուում է կրեմլեան ֆաղափականութիւնը՝ հայաբափել Արցախը: Ժամանած բանակի ստորաբաժանումը կազմուած է 20 մարտական քրթուրաւոր զրահամեմեմաներից, 9 S-72 տանկերից, բոլորը սպառազինուած մարտական գլխիկներով, կան լուսանկարչական փաստաթղթեր:

Կրեմլի եւ Բաբուի բարբաջող ու «մարդասէր» ֆաղափականութիւնը յանգեցնում է նրան, որ անջատել են էլեկտրաէներգիան եւ ամենակարելորդ՝ ջուրը, ամբողջ գիւղի ջուրը:

Երկու գիւղերի անուանից պահանջում ենք նիւթը հրապարակել մամուլում որպէս բաց հեռագիր, ուղղուած պրեզիդենտ Գորբաչովին, պաշտպանութեան նախարար Եագովին, ընթերցել հայկական դեպուտատի կողմից ԽՍՀՄ Գերագոյն Խորհրդում եւ Հայաստանի Գերագոյն Խորհրդի նիստում»:

Երկու գիւղերի ժողովրդի անունից նամակը ստորագրել են տեղի ղեկավարները:

**22ի լոյս 23ի գիշերը** անջատուել է Գետաշէնի էլեկտրականութիւնը եւ մինչեւ առաւօտ զօրքի կողմից գիւղը ուժեղացուել է:

**Ապրիլի 23ի վաղ առաւօտեան** հրթիռներով հարուածուել է Շուշի ֆաղաբը: Հրածոթեան հետեւանով 2 բարձրալարկ շէնքեր լուրջ վնասուել են: Ըստ Աղբրեշանի պաշտօնական հաղորդագրութեան, զոհուել է մէկ ազերի:

Նոյն օրը, ժամը 15ին Ստեփանակերտի ֆաղաբային ռադիոցանցով եթեր է դուրս եկել «Ագատ Արցախ» գաղտնի ռադիոկայանը՝ հրապարակելով «Ղարաբաղի Ազատութեան Մարտիկներ» կազմակերպութեան հետեւեալ հաղորդագրութիւնը.

«Ապրիլի 23ին վաղ առաւօտեան մեր հարուածների թիրախը դարձաւ Շուշի ֆաղաբը: Այս հարուածներն ունեն նախազգուշական բնոյթ՝ ընդդէմ Գետաշէնում կատարուող հակահայ ֆայլերի:

Այսուհետեւ Աղբրեշանի իշխանութիւնների եւ զօրքի՝ Գետաշէնի հայերի դէմ իւրաքանչիւր գործողութեան ի պատասխան հըզօր հարուածներ է ստանալու Շուշի ֆաղաբը, կրելով մարդկային ու նիւթական կորուստներ: Նոյն ճակատագրին են արժանանալու նաեւ այն սպաները, որոնց ձեռքերը կ'արիւնոտուեն անմեղ հայի արիւնով:

Թշնամին պիտի համոզուած լինի, որ ոչ մի հակահայ ֆայլ անպատասխան չի մնայ, որ Շուշին անպայման կը բաժանի Գետաշէնի ճակատագիրը»:

Յայտնի է դարձել Անդրկովկասի զինուորական տա-

րածի ռազմաօդային ուժերի հրամանատար Ա.Պ.Արխարովի հրամանը, որով արգել է դուրս լըիւ, Շահումեան եւ Գետաշէն՝ ուղղաթիւների թռիչքների վրայ:

Նոյն օրը Գետաշէնի ժողովուրդը դիմել է Հայաստանի Հանրապետութեան Գերագոյն Խորհրդին, Նախարարների Խորհրդին նամակով:

Ժամը 12ին ազերի էլուզակները Մարտակերտի շրջանի Վաղուհաս գիւղի մերձակայքում սպանել են գիւղի 82ամեայ անասնապահ Սէյրան Խաչատրեանին, ծեծել ու կապտել են նրա 15 տարեկան թոռանը եւ 22 կովն ու մէկ ձին էջել են դէպի Քելբաջարի շրջանի Խնկաշէն գիւղ:

Մարտակերտի շրջանի Ղազանչի գիւղից ազերի անասնագողերը տարել են 120 զուրթ խոշոր եղջերաւոր անասուն:

**25 Ապրիլի.**-Մարտակերտի շրջանի Արծուաշէն եւ Կարմրաւան գիւղերի արանքում ՕՄՕՆականները կանգնեցրել են Մարտակերտի բնակիչ Սուրէն Յարութիւնեանի ԳԱԶ-21 աւտոմեմեման եւ առեւանգել են նրան:

Ինչպէս հաղորդուել է Գետաշէնից, աղբրեշանական գիւղերը ռուսական զօրքերի հսկողութեամբ սկսել են գարնանացանը: Երբ հայկական գիւղերն են փորձում դաշտ դուրս գալ, ՕՄՕՆականները անմիջապէս կրակ են բացում:

Ապրիլի 25ին, ժամը 13ին Շուշիի կողմից գնդակոծութեան է ենթարկուել Ստեփանակերտի Հայաւան թաղամասը, ինչպէս եւ Քարինտակ գիւղը: Քարինտակ գիւղում կայ 1 վիրատը:

**26 Ապրիլի.**-երեկոյեան ժամը 21ին Դափանլուի կողմից յարձակման է ենթարկուել Կարմիր Աւան գիւղը: Ազերիները գողացել են 1 տըրակտոր եւ հեռացել:

Կապի բացակայութեան հետեւանքով՝ բժշկական օգնութեան բացակայութեամբ Գետաշէնում մահացել է 5ամսական մէկ երեխայ:

Մանաշիղում սպանուել է գիւղի հովիւը:

Գետաշէնի շրջակայքում զօրքը կատարում է անհասկանալի տեղաշարժեր: Մէկ նա է հարուածում հայկական գիւղերին եւ մէկ էլ, թիկունք դառնալով, ասպարէզը տրամադրում է ՕՄՕՆականներին: Մի բան յըստակ է, որ Մոսկուայի հովանաւորութեամբ ԽՍՀՄ զօրամիւտորումներն ու ազերիները փորձում են կարճ ժամանակը ընթացքում հայաբափել Գետաշէնը, մերձակայ գիւղերը, Շահումեանի շրջանը: Հաւանաբար այս նենգ գործարքի իրականացումը դիւրացնելու, ինչպէս եւ Հայաստանի վրայ ճնշում բանեցնելու նպատակով Ապրիլի 26ին, ինչպէս եւ 26-27ի գիշերուայ ընթացքում ոչ մեծ մասշտաբի յարձակումներ են իրականացուել նաեւ Հայաստանի շրջանի մի բանի կէտերում:

Երէ դէպքերի ընթացքի մէջ կտրուկ փոփոխութիւններ չկատարուեն, ապա անխուսափելի է հենց այս օրերին աշխարհից կըտրուած Գետաշէնի հայաբափումն ու կործանումը, ինչպէս եւ մեզ նահանջի նոր դիրքեր շարտելը:

ԽՍՀՄ Գիտութիւնների Ակադեմիայի գիտարարների ակումբը (ԿԻԱՆ) իր մուկովեան համաժողովում, որը տեղի ունեցաւ Ապրիլի 22ին, լսելով եւ քննարկելով «ԿՐԻԿ»-ի համանախագահ Անդրէյ Նիկիտինի զեկուցումը ՂԻՄում ստեղծուած իրավիճակի վերաբերեալ, ճշեց, որ Խորհրդային Միութիւնում ազգամիջեան ողբերգական ընդհարումները կենտրոնի «բաժանիր, որ տիրես» ֆաղափականութեան արդիւնք են:


Համաժողովի մասնակիցները իրենց վրդովմունքն արտայայտեցին ՂԻՄից եւ նրան յարող հայաբնակ շրջաններից հայերի բռնի տեղահանմանն ուղղուած գործողութիւնների նկատմամբ եւ պահանջեցին անյապաղ դադարեցնել մարզում ժողովրդագրական իրավիճակը փոխելու ֆաղափականութիւնը:

Հաշուի առնելով ԽՍՀՄ սահմանադրութիւնը եւ ստանձնած միջազգային պարտաւորութիւնները՝

ԿԻԱՆը պահանջ ներկայացրեց ԽՍՀՄի ղեկավարութեանը ՂԻՄի տարածքից դուրս բերել ազերի ՕՄՕՆականների եւ գրոհայինների ջոկատները, կտրականապէս արգելել խորհրդային բանակին՝ միջամտել ազգամիջեան առնակատումներին, ՂԻՄում վերականգնել խորհրդային իշխանութիւնը, վերացնել մարզի շրջափակումը:

Այս համաժողովին ներկայ էին աւելի քան 45 գիտական ինստիտուտների ներկայացուցիչներ:

Վերջերս Բաբուի կայացաւ 9 հայորդիների դատավարութիւնը: Նրանք մեղադրուած են անցեալ տարուայ Սեպտեմբերին Ֆիզուլու շրջանի Դիւանլար գիւղում «զանգուածային անկարգութիւններ, հրկիզումներ եւ առաքելութիւններ» կատարելու մէջ:



ԱՐԳՅԻ

Լուրերը վերցուած են Հ.Յ.Դ. Մամոյ եւ Տեղեկատու Կենտրոնից